

Evening Dogri (NSD) News Bulletin, 20 Oct. 2025

- प्रधानमंत्री नरेन्द्र मोदी होंरें INS विक्रांत पर नौ सैनिकें कन्नै देयाली मनाई। उनें आपरेशन सिंदूर दी कामयाबी लेई सुरक्षाबलें दी सराहना कीती।
- राष्ट्रपति द्रौपदी मुरमू होर केरल दे चंऊ दिनें दे दौरै गितै कल त्रिरुवनंदपुरम पुजगंन।
- मुख्य भरै च रोशनी दा त्योहार देयाली पूरे जोशो-खरोश कन्नै मनाया जा रदा ऐ, राष्ट्रपति द्रौपदी मुरमू, उपराष्ट्रपति सी.पी. राधाकृष्णन ते प्रधानमंत्री नरेन्द्र मोदी होंरें देशवासियें गी देयाली दी शुभकामनां दितियां।
- दुनिया भरे दे राजदूती दफतरें नर्मी दिल्ली च देयाली दा त्योहार मनाया।
- बिहार च विधानसभा चुनांस दे दुए चरण आस्तै नामांकन प्रक्रिया अज्ज समाप्त होई गेई।



PM Sindhoor

प्रधानमंत्री नरेन्द्र मोदी होंरें आखेया जे त्रौनें रक्षा सेवा बश्कार बेजोड़ तालमेल नै आपरेशन सिंदूर दौरान पाकिस्तान गी गोडे टेकने पर मजूबर करी दिता। प्रधानमंत्री होंरें ए गल्ल गोवा ते कारवार समुन्द्री कंडे पर तैनात INS विक्रांत पर नौ सैनिकें कन्नै देयाली मनांदे होई आकखी। श्री मोदी होंरें आखेया जे INS विक्रांत आत्मनिर्भर भारत ते **मेड इन इंडिया** दा सशक्त प्रतीक ऐ। प्रधानमंत्री होंरें आखेया जे सरकार नै हर जोखिम गी सुधार च, हर सुधार गी लचीलेपन ते हर लचीलेपन गी क्रांति च

तब्दील करने दा कम्म कीता ऐ। ध्यानजोग ऐ जे 7 मई गी भारतीय फौज नै 22 अप्रैल गी जम्मू-कश्मीर दे पहलगाम च कीते गेदे आतंकी हमले दे परते च आपरेशन सिंदूर रम्भ कीता हा ते पाकिस्तान दे कब्जे आहले जम्मू-कश्मीर ते पाकिस्तान च नेकें आतंकवादी ढांचे गी अपना नशाना बनाया हा।



PM-Swadeshi

प्रधानमंत्री नरेंद्र मोदी होरें देशवासिएं गी ध्यारें दी रुतै दरान स्वदेशी माल-समेयान खरीदिए 140 करोड़ भारतीयें दी मेहनत दा जश्न मनाने दा आहवान कीता ऐ। प्रधानमंत्री होरें लोकें गी खरीदी गेदी चीजें-बस्तें गी सोशल मीडिया पर सांझा करने दा आहवान बी कीता ऐ। उनें आखेआ जे दुए लोकें गी बी उआं करने दी प्रेरणा देग। इक सोशल मीडिया पोस्ट च प्रधानमंत्री होरें स्वदेशी माल खरीदने दी लोड़ पर जोर भरेआ ते गर्व से कहो यह स्वदेशी ऐ, अभियान दा हिस्सा बनो। इस पैहलकदमी दा समर्थन करदे होई Mygov India आसेआ Celebrate Diwali and Empower स्वदेशी अभियान चलाया गेआ ते लोकें गी ध्यार आहली रुतै दरान छड़ा स्वदेशी समेयान खरीदने दा प्रण पाने दा आहवान कीता गेआ। एह अभियान मुकामी दस्तकारें गी बढ़ावा देने दे महत्व गी उजागर करदा ऐ। इक स्नेह च My gov India पर प्रधानमंत्री मोदी हुंदे आसेआ वोकल फॉर लोक राहें मुकामी दस्तकारें गी बढ़ावा देने महत्व गी उजागर कीता गेआ। इस अभियान गी उपभोक्ताएं च जागरूकता ते मान-सम्मान बधाने दे मकसद कन्नै शुरू कीता गेआ ऐ।

<><><><><><>

President Kerala Visit

राष्ट्रपति द्रौपदी मुरम् होर केरल दे चंऊ दिनें दे दौरे गिते कल त्रिरुवनंदपुरम पुजगंन। बुधवारें राष्ट्रपति होरें सबरी माला मंदरै दे दर्शन करगंन ते वीरवारे ओ राजभवन च साबका राष्ट्रपति के.आर नारायणन हुंदी मूर्ति दा अनावरण करगंन। राष्ट्रपति होर श्री नारायणा गुरु समाधी दे शताब्दी समारोह च बी हिस्सा लैगंन। एदे इलावा राष्ट्रपति मुरम् होर पाला च सेंटथामस कालेज ते एरनाकुलम च सेंट-टेरेसा कालेज च आयोजित प्रोग्रामें च बी शिरकत करगंन।

<><><><><><>

LG Loard Budha

उपराज्यपाल मनोज सिन्हा रुस दे कलमीकिया गणराज्य दी अपनी त्रै-रोजा यात्रा करिये अज्ज दिल्ली परतोई आए न। श्री मनोज सिन्हा रुस दे कलमीकिया गणराज्य दी राजधानी एलिस्टा च भगवान बुद्ध दे पवित्र अवशेषें गी भारत च वापस आहनने लेई इक प्रतिनिधिमंडल दी अगुआई करा रदे हे। सोशल मीडिया मंच एक्स उप्पर इक पोस्ट च उपराज्यपाल होरें आखेया ऐ पवित्र अवशेष रुस दे कलमीकिया च इक हफते तगर चली दी प्रदर्शनी दे मगरा घर वापस आई गे न। इस प्रदर्शनी नै आपसी समझदारी गी बढ़ावा देने, भरोसे ते सहयोग गी पैदा करने ते अध्यात्मिक अनुभवे दे राहें मकामी सरबंध बनाने दी साढ़ी प्रतिबद्धता गी दोहराया ऐ।

<><><><><><>

Diwali

देआली दा त्यौहार अज्ज पूरे देश च धार्मिक श्रद्धा ते हर्षोल्लास कन्नै मनाया जा'रदा ऐ। बुराई पर अच्छाई दे प्रतीक देआली दे ध्यार उप्पर लोक घरें-मंदरें गी दीएं कन्नै रौशन करदे न। शैहरें-गलियें ते बजारें गी शैल सनाहकड़े ढंग्गै कन्नै सजाई दिता जंदा ऐ। देआली दे पावन अवसर उप्पर लोक मां लक्ष्मी दी पूजा-अर्चना करदे न। राश्ट्री राजधानी दिल्ली च लोक देआली मनाने लेई बक्ख-बक्ख बजारें च स्वदेशी चीजें-बस्तें दी खरीदारी च रूज्जो दे न। देआली दे मौके उप्पर दिल्ली पुलस नै सुरक्षा दे निग्गर इंतजाम कीते दे न।



Diwali Greetings

देआली दे शुभ त्यौहार उप्पर राश्ट्रपति द्रोपदी मुर्मु, उपराश्ट्रपति सी.पी राधाकृष्णन ते प्रधानमंत्री नरेन्द्र मोदी होरें देशवासियें गी बधाई दिती ऐ। अपने स्नेह च राश्ट्रपति होरें आखेआ ऐ जे देआली भारत दे सभनें शा प्रसिद्ध ध्यार शा इक्क ऐ। बुराई पर अच्छाई दी जित दा प्रतीक इस ध्यार गी लोक चार्यें-चार्यें मनांदे न। राश्ट्रपति होरें आखेआ जे देआली दा ध्यार आत्मचिंतन ते आत्म सुधार दी प्रतीक ऐ जेड़ा आपसी प्रेम ते भाईचारे दा स्नेहा दिंदी ऐ। राश्ट्रपति होरें सभनें गी देआली जिम्मेदारी, सुरक्षा ते पर्यावरण दे स्हाबे मनाने दा आग्रह कीता। उनें सभनें दी सुख-शांति ते समृद्धि दी कामना बी कीती। अपने स्नेह च उपराश्ट्रपति सी.पी राधाकृष्णन होरें आखेआ जे देआली ओह् समें ऐ जदूं लोकाचार च समाई दी उदारता, दान ते समावेश दे मूल्ल साफ तौरा पर उजागर हुंदे न। उनें मां लक्ष्मीं अग्गे सभनें दी सुख-शांति दी प्रार्थना



Vaishnav-Trains

रेल मंत्री अश्विनी वैष्णव होरें रेलवे अधिकारियें कन्नै कल राती आनंद विहार रेलवे स्टेशन दा दौरा कीता ते देआली ते छठ ध्यार दे मद्देनजर यात्रियें आस्तै कीती गेदी बवस्था दा जायजा लैता। इस दौरान उनें यात्रियों कन्नै गल्लबात बी कीती ते उनेंगी दिती जा'रदी सुविधाएं बारै बी उंदी प्रतिक्रिया लैती। श्री वैष्णव होरें इक सोशल मीडिया पोस्ट च आखेआ जे देआली ते छठ ध्यार दे मौके पर दिल्ली दे स्टेशनें पर बड़ी बद्द गिनतरी च यात्री औंदे न ते रेलवे ने उंदी सुविधा आस्तै व्यापक बंदोबस्त कीते दे न। उनें अग्गे आखेआ जे होल्डिंग एरिया ते बड़ी बद्द गिनतरी च टिकट काउंटरें पर यात्रा गी असान बनाई दिता ऐ। उनें आखेआ जे रेल मंत्रालय नै मुंबई, पुणे, सूरत, बेंगलुरु ते सिकंदराबाद दे स्टेशनों पर बी इये ज्नेइयां सुविधां उपलब्ध कराईयां न।



Election Nominations

बिहार च विधानसभा चुनांस दे दुए चरण आस्तै नामांकन दाखिल करने दा अज्ज खीरी ध्याड़ा ऐ। कुल 243 सीटें चा 20 जिलों दी 122 सीटें पर 11 नवंबर गी इस चरण वोट पाए जान। बिहार विधानसभा चुनांस दे पैहले चरण गितै अज्ज नामांकन वापस लैने दी खीरी तरीक बी ऐ। इस गेढ़ तैहत 6 नवंबर गी 18 जिलें दी 121 सीटें पर मतदान होग ते वोटें दी गिनतरी 14 नवंबर गी होग।

कीता ऐ। श्री द्विवेदी होरें सामरिक तौरा पर महत्वै आहले इलाकें च फौजियें दा उत्साह बदाने दे मकसद कन्नै मध्य क्षेत्र दियें अगेत्री चौकियें दा बी दौरा लाया। सेना प्रमुख होरें साबका फौजियें ते मकामी लोकें कन्नै गल्लकत्थ कीती ते उन्दे परोआर आहले गी देयाली दी मबारकबाद दिती। श्री द्विवेदी होरें पिथौरागढ़ ते ओदे आहले-दोआले दियें अगेत्री चौकियें दे ऊंचाई आहले इलाकें दियें चौकियें दा बी दौरा लाया।



Weather

मौसम विभाग नै अज्ज केरल-तमिलनाडू ते कर्नाटका और माहे दे किश हिस्सें च तेज बरखा दी पेशगोई कीती ऐ। माहे-पुडुचेरी-आंध्र-प्रदेश-लक्षद्वीप ते कराईकल च बी अगले दंऊ दिनें तोड़ी बडी भारी बरखा दी मेद दस्सी गई ऐ। दस्सी गई ऐ। मौसम विभाग नै अज्ज-ओडिशा, छत्तीसगढ़-झारखंड-कोकन-गोआ-मध्य-महाराष्ट्रा-मराठवाड़ा-नागालैंड-मणिपुर-मिजोरम-त्रिपुरा ते तेलंगाना दे किश हिस्सें च गरज ते बिजली चमकने दे बी असार न।



Israel Gaza

इसाइली रक्षा बलें - आईडीएफ नै गाजा च कई हवाई हमलें दे बाद संघर्ष विराम समझौते गी फही लागू करने दी घोषणा कीती ऐ। इक सोशल मीडिया पोस्ट च, आई.डी.एफ. ने आखेआ जे ओह संघर्ष विराम समझौते दा पालन करना जारी रक्खोग पर, जेकर एहदा उल्लंघन कीता गया ते ओहदा बनकदा परता दिता जाग। एहदे थमां

पैहले आईडीएफ ने आखेआ हा जे उन्नै गाजा च हमास कन्नै जुड़े दे दर्जनै ठकानै गी निशाना बनाइयै ब्हाई हमले कीते। इन्दे च थेआर भंडारण केन्द्र, गोलीबारी दी थाहें, आतंकवादी सेल ते करीब 6 किलोमीटर लम्मी भूमिगत सुरंगां शामिल हिया, जिंदा इस्तेमाल कथित तौर पर इस्राइल दे खिलाफ हमलें आस्तै कीता जंदा हा।

<><><><><><>

Asian Rowing

भारत नै वियतनाम दे हाई फॉग च एथियाई किश्ती चालन मकाबले च शानदार प्रदर्शन करदे होई 3 सुन्ने दे 5 चांदी दे ते कै दे 2 तमगे सने कुल 10 तगमे अपने नां कीते। भारतीय टीम नै मर्दे दी Light Weight Double Scull, Quadruple Scull ते मर्दे दी Single Scull च सुन्ने दे तगमे जिते। भारतीय महिला खडारियें दी Light Weight जोड़ी Men's eight Men's Double Scull मकाबले च चांदी दे ते मर्दे दी Light Weight Double टीमै ते महिला दी Eight टीम नै कै दे तगमे जिते।

<><><><><><>